

Mantugol Nelaado 2

[Page 1]

Bismi l-Lāhi al-Raḥmāni al-Raḥīmi

Allāhuma ṣalli ‘alā sayyidanā Muḥammadin wa sallim

Gettooje fow wonanii Subiido Muhammadu

yo’O juul, O hisna Annabiijo Muhammadu

Mido limta seeda e mu’jijajji Muhammadu

sabu hewde yidugol an Nulaado Muhammadu

Hattirde ganndal yimbe be’e e Muhammadu

duudaa ko anndini yimbe, jeydo Muhammadu

Ko o wonde basharinkeejo, burdo tageefo

fow, royraado Jemma, mo Alla inni Muhammadu

Wadfiido yaawugu burgu yaawude miijagol

wano mijo burdi mo yaari koyde Muhammadu

Buraagu, no yaara wa mayre, maa wano himyugol

maa miijo, maa le ngu burda barki Muhammadu

Jibriilu wonndi e Annabiijo Muhammadu

nde o hatunoo, Allaahu noddi Muhammadu

Allaahu wi'i: "Yaa burɗo moyɗude aalama

ɓado gaa dañaa gundoo jooma Muhammadu

Ga o hewti ɗoŋ, basharinke woo hewtaa

-li ɗoŋ aditaade ɗuŋ, saataaka ba'da Muhammadu

Joomiiko Okki mo toŋ, ko limugol hum

-nataa e nder saa'a iskin Lamɗo Jeyɗo Muhammadu

Mawnii ko fanndi nderŋ ñalaande, Muhammadu

ganndal, e needi, e darja Jeyde Muhammadu

Nde o ruttinoo, Allaahu neldi Muhammadu

Aayeeje yemɗude newnanaade Muhammadu

Ko e ɗeŋ O holli tageefo, fii bure Ahamadu

fudɗuɗo waawaa limde faɗlu Muhammadu

[Page 2]

E ko hommbo limtata kaay'e leydi e njaare muŋ

maa limta toɓɓe toɓooje Jeyɗo Muhammadu

Ronkayɗo limtude piiji wonɗi e yeeso muŋ

e ko honno oŋ limtirta faɗlu Muhammadu

Si a taski fii bure makko ɗeŋ, a taway yonii

wondeede haɗara e tannde Jeyɗo Muhammadu

Nulaabe kala ardiibe, gooto dañaali ɗun

dañaata tagaɗo, tanaa Nulaaɗo Muhammadu

Joomiiko siiwi mo haa O inni mo Mustafaa

wata haawo huunde ko Allaah rokki Muhammadu

Wulliino jullere yornde yidude Muhammadu

marijaawowal sañanii hijaabu Muhammadu

Kanbuuru joorii e lekki wiwii salndu mun

ɗi' fow ko fii waɗugol hijaabu Muhammadu

Arannde majje ga janngugol yo Muhammadu

ko Iqra' ardinaa e Muhammadu

Tuttiino yeyre nde meemunoonde Muhammadu

soorooji yirbii jannde feeñi Muhammadu

Yeebiino seewnde e fii dañeede Muhammadu

ñifiriino yiite sabaabe sunno Muhammadu

Anoora feeñii jemma miilaadun Nabii

jalbiino tatte daneeri nuuru Muhammadu

Dammol defaakol tookanookol

wowlanii burnaado fii wata meemu tooke Muhammadu

Hewii ko selliri barki tuute Muhammadu

memnoodo loopoy wonti maayo Muhammadu

Ardiibe yelino wafede mofte Muhammadu

be dala; ko duj dañu deñ ga Jeydo Muhammadu

Yetteñ subiiido Nulaado meñ e Nulaabe fow

subi'en e dow moftaaji barki Muhammadu

[Page 3]

Mido yetti Yaa Allaahu hamdan da'iman

ko limoowo waawaa limde haa e Muhammadu

Maa daama mulki ka Ma'a wujuudi

ka sarmadaae dumaade giggol maada ngol e Muhammadu

Wonaano ga yidude Nulaado Alla Muhammadu

tagataano naange e lewru Jeydo Muhammadu

Taskii no jokkiri rulde dowdi Muhammadu

heewirido dokke wa wanju rulde Muhammadu

Taskii mo naange e lewru yurni barkimuŋ

e daneeri arsi yi'aa alaa wa Muhammadu

Yi'anooka yi'ataake goddo woo wa Muhammadu

e ñaalande woo dañataake nanndo Muhammadu

Yeeŋirdo jeeɗiɗi hippondirdi yideede muŋ

e pinal e jaati e hoore, ɓatto Muhammadu

Nde o yeeŋunoo jaɓɓii mo dente Malaa'ika

e Nulaabe Alla no daɓɓi barki Muhammadu

Hibe maaka sahlani marhabaa yo Muhammadu

ɓurnaado e innde jaati yaw yo Muhammadu

Kono juulnu meŋ do'o raka'atayni si seenoɗaa

meŋ jalba nuuru daneeri ma'a yo Muhammadu

Kammuuli wasorii yeeŋineede Muhammadu

Nulaabe wasorii ardagol ɓe Muhammadu

Jibriilu wasorii wonndugol e Muhammadu

Nulaabe wewlirii yiide jaati Muhammadu

Adunaaru bunnjii fii dañeede Muhammadu

ndi'i leydi wasorii gabrineede Muhammadu

No wasorde laakhira sabbitaade Muhammadu

ne'emaaji Alla ɗi Alla marani Muhammadu

No wasorde naange ga ruttaneede Muhammadu

no wasorde lewru ga seekaneede Muhammadu

Nodiino tiiri hi Annabiijo Muhammadu

ki ɓorii ki salmini Annabiijo Muhammadu

[Page 4]

Ɗadi makki wayti no winnda bindi ka nder ɗatal

hiki bunga wewlira salminoyde Muhammadu

Taskor ɓural o'o Annabiijo Muhammadu

hay mayɓe hidɗuɓɓe wowlaniino Muhammadu

O okaama tefugol ñannde huuɓi tageefo

fow kulaleeji Alla yaa Annabiijo Muhammadu

Tuma yiite uumi tageefo fow wemmbii

kulol hay Annabeeɓe tanaa Nulaaɗo Muhammadu

Hinge uuma waddoo yiite yiitte ga haw-

jugol hinge tikka monanoo yeddunooɓe Muhammadu

Lunngol e niwre e curki wemmba tageefo fow

ko nge wodditoo sabu hulde juude Muhammadu

Ko kiitaale Alla limaade toɗ teemedde jowi

Allaahu fahmina o'o yidaado Muhammadu

O daroo o maaka nge hatta ton wata hew-

tu gaa wata beydu tikkere daali Jeydo Muhammadu

Ya yiite, aɗ non, dofto maaku Muhammadu

wata halkiroy juulnooɓe hisni Muhammadu

Hinge hiika farña-farande magge no wemmba en

hay Mursaliina tanaa Nulaado Muhammadu

Hinge wodditoo yeru duubi toɗ teemedde jowi

nge wi'a nge bonnii needi jaa e Muhammadu

Hinge tuuba nimsa kulol ga Jeydo Muhammadu

ko nge banti sowto nge fetti moggo Muhammadu

Hinge inna Joomañ okkiran̄ ko mi ñaama heñ

mido hersa ñaamude on mo manti Muhammadu

Okkañ dariibe e tooñe yeddi Muhammadu

beñ fow mi halka be hay ko mofte Muhammadu

Nge tay'ii datal, kisiye alaa ko wonaa

e ngal hisataa le dōñ ko wonaa mo hisni Muhammadu

[Page 5]

Seenoo tageefo no daɓɓa oñ tefanaydo eñ

fudfoo ga Aadama baaba mofte Muhammadu

On maaka hewtee Annabiibe subaabe beñ

joñiron e Annabi Nuuhu haa to Muhammadu

Nuuhun e Ibrahiima maaka dañaali duñ

e Muusaa, e Iisaa fattodeñ ga Muhammadu

Beñ fow no jooti no jebbili gay maakugol

tefanay tageefo to Lamdo Jeydo Muhammadu

Hewtee ga Jeydo ardinaado Nulaabe

fow jabanaado tefugol hay tefaali Muhammadu

Burnaado maaka ko miŋ yedaa tefugol

ngo'ol okkiino laŋ ga arannde Jeydo Muhammadu

Hino suuya sujjana Alla jaati Muhammadu

Allaahu daala: "Wata suju, tefu yo Muhammadu

Toro laŋ Mi okke ko faaladaa yo Muhammadu

sago maada" maaka yidaado Alla Muhammadu

Yaa Rabbi, darngal juutirii, tagu Maada

nguŋ billii, majaa hiba, yurme yiɓɓe Muhammadu

Siinir fodoore e liiraada maada

e 'ilmu Maa e sifaaji luttuɗi, daandu mofte Muhammadu

Hino sorna tahta liwaa'u Maada

malaabe fow maranaa ɓe tefugol Joŋ liwaa'u Muhammadu

Hino tefana denndaangal Nulaabe jamaanu

muŋ haa lawliyaa'u e tabi'ina Muhammadu

Rewi heŋ malaabe mislu al-Rabi'ata molon

yeru dokke jeydo Muhammadu hino maaka sallimu yaa salaamu Muhammadu

Allaahu hisnay dendanaagal jokkunooɓe Muhammadu

Daawuuda mantana eɗ nulaaɗo Muhammadu

No hedfoo mo ton juulnooɓe manti Muhammadu,

ee sunnu aɗ si mi yiino zaati Muhammadu

[Page 6]

Di'i nopi aɗ jentoo no maaka Muhammadu

ee sunnu aɗ si mi yiino lawnu Muhammadu

Maa batte seena ka Alla rewni Muhammadu

yaa Alla yaa okkoowo juulɓe toraaji muɗ

Okkaɗ yi'oyde yiɗaado

maada Muhammadu

Sabu faatike haɗ yiide jaati Muhammadu

wata luttinaɗ e sunaare yi'oyde Muhammadu

Allāhuma ṣalli ‘alā sayyidinā Muḥammadin wa sallim

Tammat al-shi‘r bi ḥamdi l-Lāhi Ta‘āla

Bi ḥamdi l-Lāhi wa ḥusni ‘awnihī

Wa l-ḥamdu li l-Lāhi Rabbi l-‘ālamīn.

Şāhibuhū Ahmad Julde bun Al-ḥajj Muhammad Ramadan

Wa lā ḥawla wa-lā quwwata illā bi l-Lāhi l-‘alīyi l-‘aẓīm

Kātibuhū Ahmadu Julde

Allāhumma aghfir lī wa li abī

wa ja‘la l-jannata ma‘wāhu. Allāhumma ṣalli ‘alā Muḥammadin wa sallim

Allāhumma ātina ḥasanatu l-dunya wa l-ākħira

Allāhuma ṣalli ‘alā Muḥammadin wa sallim.